

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2019/149****2019/EES/82/22****frá 30. janúar 2019****um breytingu á framkvæmdarreglugerðum (ESB) 2015/1108 og (ESB) nr. 540/2011 að því er
varðar skilyrði fyrir notkun ediks sem grunnefnis (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1107/2009 frá 21. október 2009 um setningu plöntuverndarvara á markað og um niðurfellingu á tilskipunum ráðsins 79/117/EBE og 91/414/EBE ⁽¹⁾, einkum 5. mgr. 23. gr. í tengslum við 2. mgr. 13. gr.,*og að teknu tilliti til eftirfarandi:*

- 1) Edik var samþykkt með framkvæmdarreglugerð framkvæmdastjórnarinnar (ESB) 2015/1108 ⁽²⁾ sem grunnefni til notkunar sem sveppaeyðir og bakteríueyðir og fært inn í C-hluta viðaukans við framkvæmdarreglugerð framkvæmdastjórnarinnar (ESB) nr. 540/2011 ⁽³⁾.
- 2) Í nóvember 2016 lagði Charbonneaux-Brabant SA umsókn fyrir framkvæmdastjórnina um rýmkun á notkun ediks sem illgresiseyðir í samræmi við 3. mgr. 23. gr. reglugerðar (EB) nr. 1107/2009.
- 3) Framkvæmdastjórnin bað Matvælaöryggisstofnun Evrópu (hér á eftir nefnd Matvælaöryggisstofnunin) um vísindalega aðstoð. Hinn 4. ágúst 2017 lagði Matvælaöryggisstofnunin tæknilega skýrslu fyrir framkvæmdastjórnina um rýmkun á notkun ediks sem illgresiseyðir til plöntuverndar ⁽⁴⁾. Framkvæmdastjórnin lagði endurskoðunarskýrsluna fyrir fastanefndina um plöntur, dýr, matvæli og fóður ásamt drögunum að þessari reglugerð 12. desember 2018.
- 4) Rannsóknir hafa leitt í ljós að gera má ráð fyrir að edik uppfylli almennt kröfurnar sem mælt er fyrir um í 23. gr. reglugerðar (EB) nr. 1107/2009, einkum að því er varðar notkun sem illgresiseyðir sem var rannsökuð og er lýst í endurskoðunarskýrslunni. Því ætti að leyfa notkun ediks sem illgresiseyðir. Þar eð verið er að leyfa nýja notkun á ediki er enn fremur rétt að leyfa aðra hugsanlega notkun á ediki eins og um getur í nýjustu útgáfu endurskoðunarskýrslunnar um edik. Því er rétt að afnema núgildandi takmörkun um að notkunin sé eingöngu sem sveppaeyðir og bakteríueyðir.
- 5) Í samræmi við 2. mgr. 13. gr. reglugerðar (EB) nr. 1107/2009, í tengslum við 6. gr. þeirrar reglugerðar og í ljósi nýjustu vísinda- og tæknipækkingar, er þó nauðsynlegt að uppfylla tiltekin notkunarskilyrði.
- 6) Því ætti að breyta framkvæmdarreglugerðum (ESB) 2015/1108 og (ESB) nr. 540/2011 til samræmis við það.
- 7) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

*1. gr.***Breyting á framkvæmdarreglugerð (ESB) 2015/1108**

Ákvæðum I. viðauka við framkvæmdarreglugerð (ESB) 2015/1108 er breytt eins og fram kemur í I. viðauka við þessa reglugerð.

(*) Þessi ESB-gerð birtist í Stjttíð. ESB L 27, 31.1.2019, bls. 20. Hennar var getið í ákvörðun sameiginlegu EES-nefndarinnar nr. 229/2019 frá 27. september 2019 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

⁽¹⁾ Stjttíð. ESB L 309, 24.11.2009, bls. 1.

⁽²⁾ Framkvæmdarreglugerð framkvæmdastjórnarinnar (ESB) 2015/1108 frá 8. júlí 2015 um samþykki fyrir grunnefninu ediki, í samræmi við reglugerð Evrópuþingsins og ráðsins (EB) nr. 1107/2009 um setningu plöntuverndarvara á markað, og um breytingu á viðaukanum við framkvæmdarreglugerð framkvæmdastjórnarinnar (ESB) nr. 540/2011 (Stjttíð. ESB L 181, 9.7.2015, bls. 75).

⁽³⁾ Framkvæmdarreglugerð framkvæmdastjórnarinnar (ESB) nr. 540/2011 frá 25. maí 2011 um framkvæmd reglugerðar Evrópuþingsins og ráðsins (EB) nr. 1107/2009 að því er varðar skrána yfir samþykkt, virk efni (Stjttíð. ESB L 153, 11.6.2011, bls. 1).

⁽⁴⁾ EFSA (Matvælaöryggisstofnun Evrópu), 2017. „Technical report on the outcome of the consultation with Member States and EFSA on the basic substance application for vinegar for extension of use in plant protection as a herbicide“ (Tæknileg skýrsla um niðurstöður samráðs við aðildarríkin og Matvælaöryggisstofnun Evrópu um umsókn vegna grunnefnisins ediks vegna rýmkunar á notkun sem illgresiseyðir til plöntuverndar). EFSA supporting publication 2017: EN — 1281. 42 bls. doi:10.2903/sp.efsa.2017.EN — 1281.

2. gr.

Breyting á framkvæmdarreglugerð (ESB) nr. 540/2011

Viðaukanum við framkvæmdarreglugerð (ESB) nr. 540/2011 er breytt eins og fram kemur í II. viðauka við þessa reglugerð.

3. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 30. janúar 2019.

Fyrir hönd framkvæmdastjórnarinnar,

Jean-Claude JUNCKER

forseti.

I. VIÐAUKI

Í stað færslunnar í fimmta dálki „Sértæk ákvæði“ í I. viðauka við framkvæmdarreglugerð (ESB) 2015/1108 kemur eftirfarandi:

„Nota skal edik í samræmi við sértæku skilyrðin sem er að finna í niðurstöðum endurskoðunarskýrslunnar um edik (SANCO/12896/2014), einkum í I. og II. viðbæti við hana.“

II. VIÐAUKI

Í stað færslunnar í sjötta dálki „Sértæk ákvæði“, í 5. röð, edik, í töflunni í C-hluta viðaukans við framkvæmdarreglugerð (ESB) nr. 540/2011 kemur eftirfarandi:

„Nota skal edik í samræmi við sértæku skilyrðin sem er að finna í niðurstöðum endurskoðunarskýrslunnar um edik (SANCO/12896/2014), einkum í I. og II. viðbæti við hana.“
